

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), u skladu sa Programom utroška budžetskih sredstava u 2015. godini, usvojenim Zaključkom Vlade Zeničko-dobojskog kantona, broj: 02-14-12700/15 od 04.06.2015. godine, a na prijedlog Ministarstva za privredu, Vlada Zeničko-dobojskog kantona, na 17. sjednici, održanoj 10.07.2015. godine, d o n o s i

ZAKLJUČAK

I.

Daje se saglasnost na Postupak i kriterije za odobravanje i dodjelu (refundiranje) sredstava poticaja namjenjenih subvencioniranju troškova uvođenja i certifikacije sistema za upravljanje kvalitetom po međunarodnim standardima i dijela marketinških troškova za proizvode nagrađene na sajamskim manifestacijama, koji čini sastavni dio ovog zaključka.

II.

Za realizaciju podsticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

III.

Zaključak stupa na snagu danom donošenja.

Broj: 02-_____ /15.

Datum, 10.07.2015. godine

Zenica

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo finansija,

1x a/a.



**UPUTSTVO
O POSTUPKU I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA
POTICAJA, NAMJENJENIH SUBVENCIONIRANJU TROŠKOVA UVOĐENJA
I CERTIFIKACIJE SISTEMA ZA UPRAVLJANJE KVALITETOM
PO MEĐUNARODNIM STANDARDIMA I DIJELA MARKETINŠKIH TROŠKOVA ZA
PROIZVODE NAGRAĐENE NA SAJAMSKIM MANIFESTACIJAMA**

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
O POSTUPKU I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA
POTICAJA, NAMJENJENIH SUBVENCIONIRANJU TROŠKOVA UVOĐENJA
I CERTIFIKACIJE SISTEMA ZA UPRAVLJANJE KVALITETOM
PO MEĐUNARODNIM STANDARDIMA I DIJELA MARKETINŠKIH TROŠKOVA ZA
PROIZVODE NAGRAĐENE NA SAJAMSKIM MANIFESTACIJAMA**

1. IZVORI I NAMJENA POTICAJNIH SREDSTAVA

Na prijedlog Ministarstva za inustriju, energetiku i rudarstvo 1999. godine Vlada Kantona je donijela Odluku o subvencioniranju troškova uvođenja i certifikacije sistema za upravljanje kvalitetom po međunarodnim standardima. Do kraja 2014. godine po ovom osnovu podržano je 237 certifikacije sa oko 3,14 miliona KM.

Privreda Zeničko-dobojskog kantona imala dugu i uspješnu tradiciju u izvozu proizvoda i usluga na evropsko i svjetsko tržište. Ratna destrukcija, tehnološko zaostajanje i gubitak tržišta učinili su privredu Kantona nekonkurentnom. Dosezanje izgubljenih pozicija predstavlja strateški zadatak svih subjekata zajednice. Stoga se Vlada Kantona neposredno poslije rata opredjelila za poticanje uvođenja međunarodnih standarda za upravljanje kvalitetom, kao jednog od uticajnih faktora bržeg pristupa inotrižju.

Sredstva za ovaj poticaj obezbjeđuju se iz Budžeta Zeničko-dobojskog kantona za svaku godinu, a planiraju se Programom utroška sredstava u Ministarstvu za privredu, te odgovarajućim odlukama Vlade Kantona, kojima se uređuju izdvajanja i transferi prema korisnicima.

Radi obavještanja potencijalnih korisnika o mogućnostima dobivanja sredstava poticaja, odluke Vlade Kantona objavljuju se u “Službenim novinama Zeničko-dobojskog kantona” i sredstvima javnog informisanja, u formi javnog poziva za dodjelu poticaja, te na oficijelnoj web stranici Vlade Kantona. Na kraju godine Ministarstvo će izvjestiti Vladu i Skupštinu Zeničko-dobojskog kantona o realizaciji poticaja.

2. KORISNICI POTICAJA ZA MEĐUNARODNE STANDARDE

Međunarodni standardi, u duhu ovog Postupka i kriterija, su standardi koje privredni subjekt implementira u svoju organizaciju, za koga međunarodno akreditiran certifikacijski organ, nakon eksternog audita, izda odgovarajući certifikat.

Korisnici ovog poticaja mogu biti proizvodni privredni subjekti (pravna i fizička lica iz područja djelatnosti C-prerađivačka industrija, prema Standardnoj klasifikaciji djelatnosti) registrovani u Zeničko-dobojskom kantonu koji uredno apliciraju nakon dobivanja certifikata.

Pod privrednim subjektima u smislu prethodnog stava podrazumijevaju se privredna društva, subjekti iz obrtničkih djelatnosti i subjekti registrirani u okvirima djelatnosti fizičkih lica.

Poticaaj se neće odobravati za recertifikaciju sistema za upravljanje kvalitetom. Jedan privredni subjekt može koristiti poticaje za uvođene i certifikaciju sistema za upravljanje kvalitetom po više međunarodnih standarda.

Jedno pravno ili fizičko lice ne može biti korisnik više od jednog poticaja Ministarstva za privredu u tekućoj budžetskoj godini.

3. DODJELA (REFUNDACIJA) DIJELA MARKETINŠKIH TROŠKOVA ZA PROIZVODE NAGRAĐENE NA SAJAMSKIM MANIFESTACIJAMA

Za razvoj proizvodnje nekog proizvoda značajnu ulogu ima marketing. U cilju osvajanja, kako domaćeg tako i ino tržišta, privredni subjekti koriste razne marketinške metode. Jedan od bitnih elemenata savremenog poslovanja su sajamske manifestacije na kojima organizatori pripremaju, između ostalog, i dodjelu priznanja. To su najčešće plakete i medalje za pojedinačne proizvode ili kolekciju proizvoda. Dobitnici ovih nagrada, zbog uticaja na prodaju nagrađenih proizvoda, na ambalaži proizvoda dizajniraju i štampaju dobivena priznanja. Na ovaj način proizvođači nastoje uvećati plasman, odnosno proizvodnju svojih proizvoda. U ovom nastojanju Ministarstvo za privredu je dizajniralo poticaj namijenjen subvencioniranju (refundaciji) dijela marketinških troškova za proizvode nagrađene na sajamskim manifestacijama.

Cilj poticaja je promocija domaće proizvodnje, povećanja tražnje, smanjenja troškova marketinga, a indirektno povećane proizvodnje i zapošljavanja, te animiranja marketinških aktivnosti.

Korisnici poticaja po ovom projektu su pravna i fizička lica iz područja proizvodnih djelatnosti registrovana u Zeničko-dobojskom kantonu, koji u propisanoj proceduri na domaćim ili ino sajmovima dobiju priznanje (medalju za kvalitet) za svoj proizvod.

Jedno pravno ili fizičko lice ne može biti korisnik više od jednog poticaja Ministarstva za privredu u tekućoj budžetskoj godini.

4. IZNOS POTICAJNIH SREDSTAVA ZA MEĐUNARODNE STANDARDE

Vlada Kantona će subvencionirati uvođenje i certifikaciju sistema upravljanja kvalitetom prema slijedećoj tabeli:

UVEDEN I CERTIFICIRAN MEĐUNARODNI STANDARD	BROJ ZAPOSLENIH U PRIVREDNOM SUBJEKTU VISINA POTICAJA								
	MIN. 5	6 DO 15	16 DO 30	31 DO 50	51 DO 75	76 DO 100	101 DO 125	126 DO 150	PRE- KO 151
HACAP i HALAL	5.000 KM	6.000 KM	7.000 KM	8.000 KM	9.000 KM	10.000 KM	11.000 KM	12.000 KM	13.000 KM
CERTIFIKACIJA PROIZVODA, CE ZNAK i FSC	15.000 KM	15.000 KM	15.000 KM	15.000 KM	15.000 KM	15.000 KM	15.000 KM	15.000 KM	15.000 KM

Maksimalni iznos koji se može odobriti i isplatiti jednom korisniku sredstava iz ovog programa poticaja je 50.000 KM, a koji uključuje zbir odobrenih i isplaćenih sredstava iz prethodnih godina po osnovu ovog programa poticaja.

5. IZNOS POTICAJNIH SREDSTAVA DIJELA MARKETINŠKIH TROŠKOVA ZA PROIZVODE NAGRAĐENE NA SAJAMSKIM MANIFESTACIJAMA

Proizvođaču će se, nakon uredne aplikacije i procedure utvrđivanja, odobriti sredstva u jednokratnom iznosu od 300,00 do 500,00 KM po proizvodu za koji je medalja kvaliteta dobivena nakon 01.01.2014. godine, kako slijedi:

- 1) Za zlatnu medalju – 500,00 KM po proizvodu
- 2) Za srebrnu medalju – 400,00 KM po proizvodu
- 3) Za bronzanu medalju – 300,00 KM po proizvodu

6. ZAHTJEV ZA ODOBRAVANJE SREDSTAVA PO MEĐUNARODNIM STANDARDIMA

Uredan zahtjev za odobravanje sredstava potencijalni korisnik dostavlja Ministarstvu za privredu.

Uz zahtjev potencijalni korisnik dostavlja slijedeće priloge:

- Original ili ovjerenu kopiju certifikata međunarodno priznatog certifikacijskog organa,
- Interno ovjeren Poslovnik kvaliteta,
- Ovjerenu kopiju dozvole za obavljanje djelatnosti ili adekvatan akt nadležnog organa,
- Original ili ovjerene kopije uvjerenja o broju uposlenih radnika.
- Original ili ovjerena pojedinačna Uvjerenja o uredno izmirenim javnim prihodima, ne starija od 60 dana u odnosu na dan podnošenja zahtjeva,
- Original ili ovjerenu kopiju Uvjerenja o uredno izmirenim finansijskim obavezama prema Budžetu Zeničko-dobojskog kantona, ne starije od 60 dana u odnosu na dan podnošenja zahtjeva,
- Uvjerenje komercijalne banke da je žiro račun proizvođača aktivan, ne starije od 60 dana u odnosu na dan podnošenja zahtjeva.

Rok za podnošenje zahtjeva je 60 dana od dana posljednje objave Javnog poziva.

7. ZAHTJEV ZA ODOBRAVANJE POTICAJA ZA DODJELA (REFUNDACIJA) DIJELA MARKETINŠKIH TROŠKOVA ZA PROIZVODE NAGRAĐENE NA SAJAMSKIM MANIFESTACIJAMA

Na zahtjev za odobravanje poticaja proizvođač, koji je priznanje-medalju dobio nakon 01.01.2014.god , dostavlja priloge prema Javnom pozivu, kako slijedi:

- Original ili ovjerenu kopiju Odobrenja za obavljanje proizvodne djelatnosti ili odgovarajući akt izdat od nadležnog organa,
- Original ili ovjerenu kopiju priznanja – medalje, dobivenog od organizatora sajamske manifestacije na jednom od službenih jezika u Bosni i Hercegovini,
- Original ili ovjerena pojedinačna Uvjerenja o uredno izmirenim javnim prihodima, ne starija od 60 dana u odnosu na dan podnošenja zahtjeva,
- Original ili ovjerenu kopiju Uvjerenja o uredno izmirenim finansijskim obavezama prema Budžetu Zeničko-dobojskog kantona, ne starije od 60 dana u odnosu na dan podnošenja zahtjeva,
- Uvjerenje komercijalne banke da je žiro račun proizvođača aktivan, ne starije od 60 dana u odnosu na dan podnošenja zahtjeva.

Zahtjevi će biti zaprimani do kraja novembra tekuće godine.

8. KOMISIJSKA OCJENA I NEGATIVNO RJEŠENJE

Komisiju za ocjenu ispunjavanja uvjeta za dodjelu sredstava poticaja imenuje i razrješava ministar Ministarstva za privredu. Komisija razmatra Zahtjeve poštujući hronologiju prijema ovih akata u protokolu prijemnih akata Ministarstva, odnosno Vlade Kantona, obavlja uvid u implementaciju standarda kod potencijalnog korisnika poticaja, te cijeni ispunjenost uvjeta i kriterija za odobravanje sredstava.

Izvještaj o ocjeni i mišljenju, Komisija dostavlja Ministru za privredu.

U slučaju da Komisija ocjeni da nisu ispunjeni svi uslovi za odobravanje sredstava, ona predlaže, a Ministarstvo za privredu donosi Zaključak o odbijanju zahtjeva podnositelja.

9. POSTUPAK ODOBRAVANJA

Na osnovu Izvještaja o ocjeni i mišljenju Komisije, Ministarstvo za privredu predlaže Vladi Kantona donošenje Odluke o odobravanju sredstava poticaja.

Pojedinačne odluke Vlada donosi shodno raspoloživim sredstvima za tekuću godinu, a prednost u odobravanju sredstava poticaja ima onaj korisnik koji je ranije podnio zahtjev za koji je utvrđeno da ima ispunjene uvjete i kriterije.

10. REFUNDACIJA SREDSTAVA – REALIZACIJA POTICAJA

Na osnovu Odluke o odobravanju sredstava Ministarstvo za privredu podnosi Nalog za isplatu Ministarstvu finansija.

Broj: 04-14-12700-6/15
Zenica, 23.06.2015. godine

MINISTAR

Zvonimir Andelić dipl.ing.grad.